

ff. 5 et 6 delineatis, simillimum, a descriptione tamen auctoris dimidio basali capitis haud tumido, ad marginem interiorum oculorum haud canaliculato, oculis retrorsum ne minime quidem vergentibus, basi pronoti apice haud magis quam duplo latiore, scutello basi haud excavato, corio haud punctato divergens.

Falconiodes concolor n. sp. (Fig. 16).

Albicans, superne breviter albido-puberulus, oculis antennisque nigris, his articulo primo fusco, basin versus late albido; clavo margine scutellari commissuraque tenuiter, areolis membranae articuloque ultimo tarsorum fuscis. Long. ♀ 4 mm.

Caracas, unicum specimen.

Vertex oculo duplo latior. Antennae pallido-pilosulae, articulo secundo primo circiter dimidio longiore et margini basali pronoti longitudine subaequali, tertio primo brevior. Hemielytra pronoto circiter triplo longiora, apicem abdominis sat longe superantia, clavo paullo densius, corio remotius et obsoletius punctatis.

30. Ceratocapsus Reut., Öfv. Vet. Akad. Förh. 1875, N:o 9, p. 87. — *Melinna* Uhler, Ent. Am. III, 1887, p. 68.

Hoc genus a D:o Uhler false ut genus divisionis *Capsaria* enumeratur, ab hac divisione, cujus generibus quibusdam, ex. gr. *Lygo*, statura nonnihil simile, pronoto strictura apicali destituto aroliisque ungviculorum conniventibus divergit.

Ceratocapsus pilosus n. sp.

Fuscus vel fusco-testaceus, capite scutelloque, hoc apicem versus, pallidioribus, oculis parteque apicali pronoti nigro-fuscis; superne setis longis tenuibus pallidis suberectis pilosus, hemielytris adhuc tenuiter pallido-pubescentibus pilisque albis leviter curvatis subintricatis parcius vestitis, limbo laterali corii interdum pallidior, antennis pedibusque flavo-testaceis, illis